



*IZVJEŠTAJ O POSLOVANJU
ZA 2021. GODINU*

TUZLA, APRIL 2022.GODINE

SADRŽAJ

1	SAŽETAK.....	3
2	OPĆI PODACI.....	4
2.1	Opći podaci o preduzeću, firma preduzeća	4
2.2	Osnivački akti i oblik organizovanja.....	4
2.3	Pravni osnov	4
2.4	Osnovni kapital Društva, udio osnivača i djelatnost Društva	4
2.5	Upravljanje Društvom.....	5
2.6	Unutrašnja organizacija Društva	6
3	POSLOVANJE DRUŠTVA	6
3.1	Raspoloživi kapaciteti i stepen korištenja raspoloživih kapaciteta	6
3.2	Ukupan broj zaposlenih, kvalifikaciona struktura zaposlenih i neto plate prema kvalifikacionoj strukturi	8
3.3	Fizički obim izvršenih usluga.....	9
3.4	Finansijski pokazatelji poslovanja	12
3.4.1	Ostvareni prihodi u 2021.godini.....	12
3.4.2	Ostvareni rashodi u 2021.godini.....	15
3.4.3	Poslovni rezultat.....	19
3.4.4	Investiciona ulaganja u 2021.godini	20
3.5	Potraživanja od kupaca i obaveze prema dobavljačima	21
3.5.1	Potraživanja od kupaca	21
3.5.2	Obaveze prema dobavljačima	22
3.6	Realizacija planiranih i definisanje budućih ciljeva i mjera u pravcu unapređenja poslovanja	22
3.7	Društvena odgovornost	23
4	ZAKLJUČNE NAPOMENE.....	24

1 SAŽETAK

Javno komunalno preduzeće "Saobraćaj i komunikacije-Tuzla" d.o.o. Tuzla (u daljem tekstu Društvo) je javno preduzeće koje uspješno posluje od 2009. godine i u okviru svoje djelatnosti redovno ispunjava sve povjerene zadatke. U periodu svog postojanja i djelovanja ostvaruje konstantan pozitivan poslovni rezultat, a sve u svrhu reinvestiranja u djelatnosti i usluge koje su u nadležnosti preduzeća, te realizacije svih aktivnosti i poslova koji su povjereni preduzeću, uz poštivanje principa društvene odgovornosti u poslovanju. Izvještaj o poslovanju Javnog komunalnog preduzeća "Saobraćaj i komunikacije-Tuzla" d.o.o. Tuzla sačinjen je na osnovu i u skladu sa Metodologijom izrade izvještaja o radu i poslovanju javnih preduzeća i ustanova čiji je osnivač Grad Tuzla, a na temelju vjerodostojne finansijske dokumentacije i završnog obračuna za poslovnu 2021. godinu.

Pored osnovne aktivnosti naplate usluge parkiranja na javnim parkiralištima na području grada Tuzla na kojima se vrši naplata, Društvu su povjerene i druge aktivnosti:

- održavanje horizontalne, vertikalne i semaforske signalizacije
- upravljanje sistemom bežičnog interneta – Tuzla Wireless City
- upravljanje sistemom video nadzora
- automatsko upravljanje saobraćajem (zeleni val)
- usluge prevoza turističkim vozicom
- održavanje javne rasvjete i dekorisanje.

Svakodnevno upravljanje i održavanje javnih parkirališta i nesmetano pružanje usluga parkiranja motornih vozila na 45 javnih parkirališta na kojima se vrši naplata parkiranja, održavanje saobraćajne signalizacije, odnosno horizontalne, vertikalne i semaforske signalizacije na području grada Tuzla, održavanje javne rasvjete i dekorisanje grada, pružanje usluga besplatnog bežičnog interneta u užem centru grada, automatsko upravljanje saobraćajem, konstantno upravljanje i održavanje sistema video nadzora, karakteristike su poslovanja u 2021. godini, a ostvareni rezultati, prihod u iznosu 2.285.533 KM i neto dobit u iznosu 307.886 KM, potvrda su odgovornosti i istrajnosti uprave Društva u ispunjenju planiranih ciljeva i pozitivnog poslovanja Društva. Pružanje usluga prevoza turističkim vozicom po utvrđenim rutama kroz centar grada u 2021. godini nije sprovedena aktivnost obzirom da se u dijelu godine kada su ove usluge ponuđene za sprovođenje vršila rekonstrukcija saobraćajnica koje se nalaze na utvrđenoj ruti turističkog vozila, te zbog navedenog, kao i zbog činjenice da je i u 2021. godini kao i prethodnoj, u mjesecima u kojima je vozic trebao saobraćati bila proglašena pandemija uzrokovana COVID-19 virusom, isti nije saobraćao.

U okviru djelatnosti i usluga koje pruža Društvo, bitno je napomenuti i Centar za nadzor i upravljanje putem kojeg se vrši kontrola sistema video nadzora grada, automatskog upravljanja saobraćajem, automatske naplate parkiranja i besplatnog bežičnog pristupa internetu. Uposlenici Društva u Centru putem video zida koji se sastoji od ukupno 14 monitora uživo nadziru snimke sa 35 kamera postavljenih na 22 različite lokacije. Pored navedenog, prethodnu poslovnu godinu, kao i prethodnih godina, poslovanje Društva obilježile su i aktivnosti na redovnom upravljanju i održavanju sistema bežičnog interneta – Tuzla Wireless City.

2 OPĆI PODACI

2.1 Opći podaci o preduzeću, firma preduzeća

JKP „Saobraćaj i komunikacije - Tuzla“, d.o.o. Tuzla je pravno lice koje samostalno obavlja djelatnost od opšteg društvenog interesa i posluje pod firmom:

Javno komunalno preduzeće „Saobraćaj i komunikacije - Tuzla“, d.o.o. Tuzla.

Skraćena oznaka firme je JKP „Saobraćaj i komunikacije - Tuzla“, d.o.o. Tuzla.

Sjedište Društva je u Tuzli, ulica Gornje brdo broj 2, a poslovne jedinice/podružnice se nalaze na 5 lokacija:

- administrativne prostorije u ulici Trg stara tržnica bb,
- naplatna kućica 1 na adresi Džindić Mahala bb (Javno parkiralište Jezero “Zapad”),
- naplatna kućica 2 na adresi Kulina bana do br.2 (bivša prigradska autobuska stanica),
- administrativne prostorije na adresi Turalibegova 1 (u objektu Infopulta) i
- administrativne prostorije na adresi II krajiške brigade bb – Kojšino.

2.2 Osnivački akti i oblik organizovanja

Odlukom Opštinskog vijeća Tuzla osnovano je Javno komunalno preduzeće „Saobraćaj i komunikacije-Tuzla“, d.o.o. Tuzla (u daljem tekstu: Društvo) kao pravno lice koje samostalno obavlja djelatnost od opšteg društvenog interesa.

Društvo, osnovano kao javno preduzeće je, u skladu sa članom 3. Zakona o javnim preduzećima, organizovano kao društvo sa ograničenom odgovornošću i upisano je u sudski registar 29.01.2009.godine pod brojem: 032-0-Reg-09-000031, a preregistrovano 26.07.2011. godine pod brojem 032-0-Reg-11-001238, 21.05.2013.godine pod brojem 032-0-Reg-13-000799, 28.02.2014. godine pod brojem 032-0-Reg-14-000505, 21.10.2015. godine pod brojevima 032-0-Reg-15-001562 i 032-0-Reg-15-001653 kod Općinskog suda u Tuzli, 24.04.2018. godine pod brojem 032-0-Reg-18-000707 kod Općinskog suda u Tuzli, 16.07.2021. godine pod brojem 032-0-Reg-21-001063 i 02.02.2022. godine pod brojem 032-0-Reg-22-000127 kod Općinskog suda u Tuzli.

2.3 Pravni osnov

Društvo svoj rad temelji poštujući odredbe Zakona o javnim preduzećima u FBiH, Zakona o privrednim društvima, Zakona o komunalnim djelatnostima, Zakona o računovodstvu i reviziji u FBiH, Zakona o osnovama bezbjednosti saobraćaja na putevima u BiH, Općeg kolektivnog ugovora za teritoriju FBiH, Kolektivnog ugovora o pravima i obavezama poslodavaca i uposlenika u oblasti komunalne privrede za teritorij FBiH, Odluke o komunalnim djelatnostima Općine Tuzla, Odluke o javnim parkiralištima na području Općine Tuzla (u daljem tekstu: Odluka), akata Društva i ostalih akata koji se odnose na djelatnosti Društva.

2.4 Osnovni kapital Društva, udio osnivača i djelatnost Društva

Osnivač Društva je Grad Tuzla sa 100% vlasništvom.

Osnovni kapital Društva iznosi 5.000 KM u novcu.

Djelatnost Društva, razvrstana prema pretežnosti, spada u uslužne djelatnosti u vezi sa kopnenim prijevozom pod šifrom 52.21.

Odlukom su Društvu data na upravljanje javna parkirališta na kojima se vrši naplata parkiranja, što predstavlja osnovnu aktivnost Društva. Pored ove aktivnosti Društvu su povjerene i druge aktivnosti:

- održavanje horizontalne, vertikalne i semaforske signalizacije
- upravljanje sistemom bežičnog interneta – Tuzla Wireless City
- upravljanje sistemom video nadzora
- automatsko upravljanje saobraćajem (zeleni val)
- usluge prevoza turističkim vozilom

- održavanje javne rasvjete i dekorisanje.

2.5 Upravljanje Društvom

Organi upravljanja Društvom su:

1. Skupština
2. Nadzorni odbor
3. Uprava (menadžment), kao organ upravljanja i
4. Odbor za reviziju.

Skupština Društva je najviši organ upravljanja Društvom koji odlučuje o osnovnim pitanjima poslovne djelatnosti. Održava se najmanje jednom godišnje, a obavezno po izradi godišnjeg obračuna za prethodnu godinu. Na osnovu Odluke o postupku izbora i konačnog imenovanja članova organa upravljanja u javnim preduzećima, javnim komunalnim preduzećima, javnim ustanovama, javnim ustanovama za predškolski odgoj i zdravstvenim ustanovama čiji je osnivač ili suosnivač Grad Tuzla i Odluke o utvrđivanju liste kandidata za punomoćnike državnog kapitala za učešće u radu i odlučivanju skupština javnih preduzeća i javnih komunalnih preduzeća čiji je osnivač ili suosnivač Grad Tuzla, pomoćnik Gradonačelnika za Službu za ekonomski razvoj, poduzetništvo i poljoprivredu za svaku pojedinačnu Skupštinu Društva izdaje Punomoć kojim se imenuje/u punomoćnik/punomoćnici državnog kapitala za učešće u radu i odlučivanju Skupštine.

Nadzorni odbor nadzire poslovanje društva i nadzire rad uprave, a za svoj rad odgovara Skupštini društva. Nadzorni odbor na kraju 2021. godine čine dva člana koji su imenovani istovremeno na period od 4 godine, obzirom da je Admir Hasanbašić, dipl. ing. el., predsjednik, na lični zahtjev razriješen dužnosti Odlukom Skupštine 01-03-678-3/21 od 21.10.2021. godine. Nadzorni odbor Društva, na dan 31.12.2021. godine čine:

1. Tijana Ahmetović, magistar prava, predsjednica,
2. Jasmin Jahić, profesor tehničkog odgoja i informatike, član.

Upravu Društva čini Direktor, koji se imenuje na mandatni period od 4 godine, koji organizira rad i rukovodi poslovanjem, zastupa i predstavlja Društvo i odgovara za zakonitost poslovanja Društva. Direktor Društva u 2021. godini bio je Goran Jurak, dok je od 28.01.2022. godine za vršioca dužnosti direktora imenovan Nedžad Malikić na period do okončanja konkursne procedure za imenovanje direktora JKP „Saobraćaj i komunikacije-Tuzla“ doo Tuzla, a najduže na period do 6 mjeseci, počev od stupanja na snagu odluke o imenovanju vršioca dužnosti.

Odbor za reviziju, u sastavu predloženom Skupštini društva od strane Nadzornog odbora društva, dužan je imenovati vanjskog revizora, te podnositi Nadzornom odboru sažete mjesečne izvještaje o svojim sastancima. Odbor za reviziju odgovara direktno Skupštini društva. Odbor za reviziju, na osnovu prethodno provedene procedure po javnom oglasu, čine:

1. Lejla Avdić, magistar prava iz Tuzle, predsjednica,
2. Irena Božić, magistar ekonomije iz Tuzle, članica,
3. Vesna Cvjetinović, dipl. pravnik, članica.

Društvo je 24.08.2021.godine angažovalo nezavisnog revizora i sklopilo Ugovor o obavljanju revizije godišnjih finansijskih izvještaja za 2021.godinu. Rok za podnošenje Izvještaja nezavisnog revizora je 30.04.2022. godine. Dana 22.04.2022. godine, nezavisni revizor je dostavio izvještaj u kojem je istaknuto da prema njihovom mišljenju, „priloženi finansijski izvještaji fer prezentiraju, u svim značajnim odrednicama, finansijski položaj Društva na 31.decembra 2021. godine i njegovu finansijsku uspješnost te njegove novčane tokove za tada završenu godinu u skladu s Međunarodnim standardima finansijskog izvještavanja (MSFI-ima).”

2.6 Unutrašnja organizacija Društva

Pravilnikom o unutrašnjoj organizaciji i sistematizaciji radnih mjesta određena je unutrašnja organizacija Društva.

Pored Direktora, koji čini Upravu Društva, i Savjetnika Direktora, formirana su i sljedeća odjeljenja i sektori:

1. Odjeljenje za opšte i pravne poslove
2. Odjeljenje za ekonomsko-finansijske poslove
3. Odjeljenje za saobraćaj i komunikacije:
 - 3.1. Sektor parkiranja
 - 3.2. Sektor održavanja
 - 3.3. Sektor javne rasvjete
 - 3.4. Centar za nadzor i upravljanje

3 POSLOVANJE DRUŠTVA

JKP "Saobraćaj i komunikacije-Tuzla" doo Tuzla zaduženo je za upravljanje javnim parkiralištima na kojima se vrši naplata u gradu Tuzli i za njihovu iskorisćenost, stoga je i odgovorno za pravilno funkcionisanje sistema. Promišljanjem o potrebama građana te učinkovitim operativom, JKP "Saobraćaj i komunikacije-Tuzla" doo Tuzla je nositelj rješavanja saobraćajnih problema iz domena povjerenih od strane Grada Tuzla, a sve u cilju povećanja bezbjednosti i sigurnosti učesnika u saobraćaju.

Izvještaj o poslovanju JKP "Saobraćaj i komunikacije-Tuzla" doo Tuzla za 2021.godinu izrađen je na bazi statističkih podataka, bilansa stanja, bilansa uspjeha i ostalih dokumenata, evidencija i planova rada koji se izrađuju u Društvu.

3.1 Raspoloživi kapaciteti i stepen korištenja raspoloživih kapaciteta

Raspoloživi kapaciteti Društva odnose se na broj javnih parkirališta, odnosno broj parking mjesta kojima Društvo upravlja. Javna parkirališta kategorisana su u tri zone: nultu, prvu i drugu.

Na dan 31.12.2021.godine, Društvo je upravljalo sa 45 javnih parkirališta na kojima se vršila naplata parkiranja, odnosno sa 2.127 parkirnih mjesta.

Tabela 1: Raspoloživi kapacitet Društva

R.Br.	ZONA	2020			2021			INDEX (%)	
		BROJ		STRUKTURA PARKIRNIH MJESTA %	BROJ		STRUKTURA PARKIRNIH MJESTA %	5/2	6/3
		JAVNIH PARKIRALIŠTA	PARKIRNIH MJESTA		JAVNIH PARKIRALIŠTA	PARKIRNIH MJESTA			
0	1	2	3	4	5	6	7	8	9
1	ZONA "0"	8	244	11	8	244	11	100	100
2	ZONA "1"	8	231	11	7	199	9	88	86
3	ZONA "2"	30	1.684	78	30	1.684	80	100	100
UKUPNO		46	2.159	100	45	2.127	100	98	99


Zoni "0" pripada 8 javnih parkirališta sa 244 parkirna mjesta što čini **11%** ukupnog broja parkirnih mjesta.

Zoni "1" pripada 7 javnih parkirališta i 199 parkirnih mjesta što čini **9%** ukupnog broja parkirnih mjesta. Smanjenje jednog javnog parkirališta od 32 parkirna mjesta uzrokovano je radovima u ulici Patriotske lige koje je ukinuto zbog završene rekonstrukcije.

Zoni "2" pripada 30 javnih parkirališta i 1.684 parkirnih mjesta što čini **80%** ukupnog broja parkirnih mjesta


Grafikon 1. Struktura broja parking mjesta po zonama

STRUKTURA BROJA PARKING MJESTA PO ZONAMA



Stepen iskorištenosti kapaciteta svih javnih parkirališta na kojima se vršila naplata parkiranja¹ po zonama je prikazan na slijedećem grafikonu.

Grafikon 2. Stepen iskorištenosti javnih parkirališta



Stepen iskorištenosti parkirališta u 2021. godini je u odnosu na isti 2020. godine povećan za 2,51%, obzirom da je 17.03.2020. godine proglašeno stanje prirodne ili druge nesreće na području Bosne i Hercegovine zbog opasnosti od moguće pojave epidemije zarazne bolesti prouzrokovane novim korona virusom (COVID-19) koje je trajalo do 31.05.2020. godine te mnogi privredni subjekti nisu radili, što je općenito bilo uzrokovano smanjenjem kretanja stanovništva pa samim time je i iskorištenost javnih parkirališta na kojima se vrši naplata parkiranja u 2020. godini smanjena.

¹ Prilikom izračunavanja stepena iskorištenosti javnih parkirališta koristio se princip ostvarenih prihoda u odnosu na maksimalno moguće prihode. Ostvareni prihodi predstavljaju ukupne prihode ostvarene na javnom parkiralištu (prihodi od naplate parkiranja na automatu, prihodi od naknada za deblokadu vozila i prihodi od mjesečnih, godišnjih i povlašćenih stanarskih karti). Maksimalno mogući prihodi = broj parkirnih mjesta x cijena jednog sata x broj sati rada parkirališta dnevno x broj radnih dana.

Stepen iskorištenosti u ZONI "0" potvrđuje uspješno realizovani cilj rasterećenja saobraćaja u užem gradskom jezgru što se uspjelo precizno napravljenim rasporedom alternativnih parkirališta u neposrednoj blizini centra grada koja pripadaju nižim zonama, te građani koriste parkirališta ZONE "0" samo u slučajevima kraćih zadržavanja i obavljanja hitnih poslova, dok u ostalim slučajevima mogu koristiti parkirališta ZONE "2" po čak četiri puta nižoj cijeni parkiranja. Ovime se, pored smanjenja saobraćaja, umanjila aerozagadenost, te popravila sigurnost pješaka.

U 2021. godini nastavljene su aktivnosti Ministarstva unutrašnjih poslova Tuzlanskog kantona i Službe za inspeksijske poslove Grada Tuzla. Aktivnosti ovih institucija ogledaju se u sankcionisanju nepropisno parkiranih vozila i provedbu inspeksijskog nadzora Odluke o javnim parkiralištima na području Grada Tuzla kao i ostalim zajedničkim aktivnostima pripremanim i realizovanim u 2021.godini sa krajnjim ciljem - unapređenje saobraćajne kulture građana.

Društvo je tokom 2021.godine provodilo niz aktivnosti vezanih za promjenu svijesti i navike građana o potrebi smirivanja saobraćaja u gradu i poštivanju saobraćajnih propisa, a također je nastavilo sa aktivnostima zaštite pješačke zone, čime je pješacima omogućeno nesmetano korištenje trotoara, uživanje zakonom propisanih prava, te njihovu veću bezbjednost u saobraćaju.

3.2 Ukupan broj zaposlenih, kvalifikaciona struktura zaposlenih i neto plate prema kvalifikacionoj strukturi

Na dan 31.12.2021.godine Društvo je imalo 45 radnika. Kvalifikaciona struktura prikazana je u slijedećoj tabeli.

Tabela 2: Pregled radnika po kvalifikacionoj strukturi

R.Br.	KVALIFIKACIONA STRUKTURA	2020.	2021.	INDEX	STRUKTURA %	
				3/2	2	3
0	1	2	3	4	5	6
1	Visoka stručna sprema (VSS)	8	8	100	19	18
2	Srednja stručna sprema (SSS)	5	7	140	12	16
3	Kvalifikovani (KV)	5	6	120	11	13
4	Nekvalifikovani i polukvalifikovani (NK I PK)	25	24	96	58	53
UKUPNO		43	45	105	100	100

Tokom 2021. godine broj zaposlenih povećao se za 2 (dva) radnika. U toku 2021. godine jedan radnik (NK) je stekao uslove i otišao u penziju, jednom radniku (NK) je u skladu sa Zakonom o radu promijenjeno radno mjesto (iz NK u KV), jednom radniku (KV) je u skladu sa Zakonom o radu promijenjeno radno mjesto (iz KV u SSS), te su, u skladu sa Zakonom o radu, nakon provedene konkursne procedure, uposlena tri nova radnika, i to: jedan NK, jedan KV i jedan SSS.

Prosječne neto plate u 2021.godini, prema kvalifikacionoj strukturi, kretale su se od 844 KM za nekvalifikovane i polukvalifikovane radnike, do 1.886 KM za radnike sa visokom stručnom spremom².

² Prilikom obračuna prosječne plate u obzir se nije uzimala plata Direktora.

Tabela 3. Prosječne neto plate prema kvalifikacionoj strukturi u 2021.godini prije odbitka poreza na dohodak

R.Br.	KVALIFIKACIONA STRUKTURA	PROSJEČNA NETO PLATA		INDEX (3/2)
		2020.	2021.	
0	1	2	3	4
1	Visoka stručna sprema (VSS)	1.750	1.886	108
2	Viša stručna sprema	0	0	0
3	Srednja stručna sprema (SSS)	1.064	1.124	106
4	Kvalifikovani (KV)	1.072	1.139	106
5	Nekvalifikovani i polukvalifikovani (NK i PK)	772	844	109

Prosječna plata Društva u 2021. godini iznosila je 1.091 KM.

Tabela 4. Prosječna plata isplaćena u 2021.godini prije odbitka poreza na dohodak

R.Br.	PLATA	2020.	2021.	INDEX (3/2)
0	1	2	3	4
1	Prosječna plata	998	1.091	109

Plate i ostale naknade zaposlenim kao što su topli obrok, troškovi prevoza na posao i sa posla, regres za godišnji odmor kao i ostale naknade isplaćeni su u skladu sa Zakonom o radu, Kolektivnim ugovorom, Pravilnikom o radu i Ugovorima o radu. Procenat prilikom isplate plate u toku 2021.godine bio je 100 % kolektivnog ugovora.

3.3 Fizički obim izvršenih usluga

U toku 2021. godine aktivnosti Društva bile su usmjerene na:

- upravljanje javnim parkiralištima na području grada Tuzla,
- održavanje vertikalne, horizontalne i semaforne signalizacije,
- održavanje javne rasvjete i dekorisanje,
- upravljanje sistemima Tuzla Wireless City, video nadzorom grada, automatskim upravljanjem saobraćajem putem Centra za nadzor i upravljanje.

Organizovanje razgledanja grada turističkim vozilom, kao jedna od uobičajenih aktivnosti Društva, u 2021. godini nije se obavljala, najprije zbog rekonstrukcije saobraćajnica, zbog čega je bilo onemogućeno kretanje turističkog vozila, kao i zbog razloga pandemije COVID-19, zbog čega isti nije mogao redovno saobraćati.

Navedene aktivnosti sprovodile su se putem Odjeljenja za saobraćaj i komunikacije koje je podijeljeno na četiri sektora:

- Sektor parkiranja,
- Sektor održavanja
- Sektor javne rasvjete i
- Centar za nadzor i upravljanje.

Sektor parkiranja je tokom 2021. godine sprovodio slijedeće aktivnosti:

- kontrolu naplate parkiranja na 45 javnih parkirališta,

- svakodnevno održavanje javnih parkirališta u svim vremenskim uslovima (čišćenje, košenje zelenih površina i uklanjanje smeća, snijega i ostalih predmeta),
- servisiranje aparata (promjena papira i ostali sitni kvarovi),
- blokiranje i deblokiranje 6.598 vozila parkiranih na javnim parkiralištima suprotno odredbama Odluke o javnim parkiralištima na području Grada Tuzla, dok je taj broj za 2020. godinu iznosio 6.915,
- sačinjavanje 732 zapisnika o počinjenom prekršaju za vozače vozila koji su odbili platiti naknadu za deblokiranje vozila i iste prosljedili Službi za inspekcijske poslove Grada Tuzla, dok je taj broj u 2020.godini bio 887,
- zbog stanja pandemije korona virusa umanjen je broj blokiranih vozila i svakodnevno su provedene aktivnosti dezinfekcije svih prostorija JKP "Saobraćaj i komunikacije-Tuzla" doo Tuzla,
- od mjeseca oktobra umanjen je broj parking mjesta za 32, sa 2.159 na 2.127, zbog rekonstrukcije javnog parkirališta Patriotske lige,
- čišćenje i uređenje zelene površine na lokalitetu Pašagina vila (sjedište Društva) i administrativnih prostorija na lokaciji II krajiške brigade bb – Kojšino,
- čišćenje i uređenje fontane na Sonom trgu (ispred administrativnih prostorija Društva),
- u saradnji sa gradskim službama Grada Tuzla učestvovanje u organizaciji javnih skupova na području Grada Tuzla.

Sektor održavanja u toku 2021.godine sprovodio je slijedeće aktivnosti:

- redovno održavanje vozila i ostale opreme društva
- redovno čišćenje parkirališta od snijega
- održavanje vertikalne signalizacije kroz:
 - ugradnja 114 kom i 8,1 m² saobraćajnih znakova
 - popravku, ispravljanje i ponovnu ugradnju 136 saobraćajnih znakova
 - ugradnju 34 metalna stubića
 - demontaža 225 kom plastičnih i metalnih stubića
 - uklanjanje 124 kom betonskih polulopti
 - popravljanje uređaja za blokiranje vozila
 - ugradnja 4 kom skvernih ogledala
 - katranisanje pukotina na asfaltnoj površini na parking: jezero zapad i gradina 2.
- održavanje horizontalne signalizacije na području grada Tuzla kroz:
 - obilježavanje 496 parking mjesta bijelom bojom
 - ugradnja 7 kom saobraćajnog znaka od termo plastične mase koji se aplicira na asfaltnoj površini
 - obilježavanje 137 parking mjesta žutom bojom
 - obilježavanje 24.634 m linije bijelom bojom
 - obilježavanje 564 m² pješačkih prelaza i zaustavnih linija bijelom bojom
 - izrada horizontalne signalizacije hladnom plastikom 1.453,72m²
 - izrada strelica bijelom bojom 22 kom
 - obilježavanje 73,8 m² pješačkog ostrva "bruto" bijelom bojom
 - obilježavanje natpisa "ŠKOLA" i "STOP" 32 kom
 - obilježavanje natpisa "R" i numeracije 83 kom
 - obilježavanje 104 taxi štanda sa oznakom žutom bojom
 - obilježavanje "BUS" stajališta na 35 lokacija
 - obilježavanje 172 m oznake "W" žutom bojom
 - obilježavanje 696 m linije žutom bojom
 - obilježavanje ležećih policajaca žutom bojom bruto 118,2 m²
- održavanje semaforske signalizacije kroz sljedeće poslove:

- zamjena 5 kom semaforских stubova
- zamjenu laterni i nosača laterni u 9 slučajeva
- 88 intervencija na semaforским uređajima
- zamjena 44 kom led-diode i sjenila
- pranje semafora na južnoj i sjevernoj magistrali
- čišćenje semaforских stubova na južnoj i sjevernoj magistrali
- ukupno 49 intervencije na radovima sječenje, prevoz i premještanje porušenih rasvjetnih stubova
- kopanje temelja, kanala, postavljanje poklopaca i uzemljenja u 86 slučajeva.

Sektor javne rasvjete i dekorisanja grada u toku 2021.godine sprovodio je slijedeće aktivnosti:

Redovno održavanje sistema javne rasvjete na području grada Tuzla, po nalogima Službe za komunalne poslove:

- brzo i efikasno odstranjivanje kvarova na komplet izlazima javne rasvjete,
- zatezanje pokidanih kablova, postavljanje zaštita na mjestima gdje nedostaje stub javne rasvjete,
- Montaža i demontaža novogodišnjih ukrasa u užoj gradskoj jezgri,
- ugradnja ukupno 4.163 kom sijalica različite snage,
- ugradnja ukupno 265 kom metalhalogenih sijalica različite snage,
- ugradnja 275 kom prigušnica natrij različite snage,
- ugradnja 321 kom upaljača u skladu sa potrebama naručioca,
- ugradnja 233 kom svjetiljki za javno osvjjetljenje sa natrijumovim izvorom svjetlosti različite snage,
- ugradnja 46 kom uklopnih satova,
- ugradnja ukupno 8.187 m elektronaponskog kabla,
- ugradnja 65 kom čahura za kabal,
- ugradnja 624 kom keramičkih grla,
- ugradnja 378 m čelične perforirane trake,
- ugradnja 38 kom obujmica za stub sa kukama,
- ugradnja 335 kom osigurača,
- ugradnja 11 kom rastavne sklopke,
- ugradnja 18 kom razdjelnika rasvjete u stubu,
- ugradnja 24 kom instalacionih sklopki ili modularni kontakter,
- ugradnja ukupno 1.975 kom raznih vrsta stezaljki,
- ugradnja 270 kom štitnika GAL PVC,
- ugradnja 237 m traka,
- ugradnja 16 kom pocinčanih stubova različitih visina,
- ugradnja 185 kom različitih vrsta konzola,
- ugradnja 25 kom temelja za stub na lokaciji po izboru naručioca na području grada Tuzla,
- ugradnja 12 kom toplotno-skupljajuće cijevi,
- ugradnja 6 kom parkovskih LED svjetiljki,
- ugradnja 157 kom AB stubova,
- ugradnja 36 kom metalnih stubova,
- demontaža 50 kom AB ili drvenih stubova,
- demontaža 5 kom metalnog stuba.

Izuzev radova za Grad Tuzlu i za sopstvene potrebe, u 2021.godini posvetilo se mnogo pažnje izvođenju radova za treća lica, kako pravna tako i fizička, koja su angažovana od strane JKP "Saobraćaj i komunikacije-Tuzla" doo za obavljanje gore navedenih aktivnosti.

Centar za nadzor i upravljanje tokom 2021. godine sprovodio je slijedeće aktivnosti:

- nadzor i upravljanje sistemom automatske naplate parkinga, te pravovremeno i promptno otklanjanje nepravilnosti u radu,
- upravljanje i nadzor sistema video nadzora grada Tuzla, koji se sastoji od 35 videonadzornih kamera, postavljenih na području grada Tuzla. U 2021. godini, nastavljena je vrlo dobra saradnja sa pripadnicima

MUP TK koja je za posljedicu imala povećanje bezbjednosti građana i brže prikupljanje dokaza o izvršenim krivičnim djelima,

- nadogradnja centra za nadzor i upravljanje sa 13 videonadzornih kamera na lokaciji Slana Banja,
- praćenje rada sistema automatskog upravljanja saobraćajem (zeleni val) na južnoj i sjevernoj saobraćajnici,
- redovno održavanje web stranice preduzeća www.siktz.ba, te objavljivanje informacija o radu Društva i aktivnostima koje Društvo sprovodi,
- izvršena je nadogradnja mrežne infrastrukture, odnosno povezivanje na optičku infrastrukturu 5 lokacija – Most kod parkirališta Trg Sloboda, Infopult, lokacija staro Interno, Skver, Kojšino u ukupnoj dužini 2100m.

3.4 Finansijski pokazatelji poslovanja

3.4.1 Ostvareni prihodi u 2021.godini

Ukupni prihodi u 2021.godini ostvareni su u iznosu **2.285.533 KM**, što je za 9% više u odnosu na 2020.godinu, a za 13% više u odnosu na plan 2021.godine.

Obzirom da je 17.03.2020. godine proglašeno stanje prirodne ili druge nesreće na području Bosne i Hercegovine zbog opasnosti od moguće pojave epidemije zarazne bolesti prouzrokovane novim korona virusom (COVID-19) koje je trajalo do 31.05.2020. godine, ovo stanje u mnogome je uticalo na ostvarenje prihoda u 2020. godini, ali dobrim dijelom i u 2021. godini.

Tabela 5: Pregled ostvarenih prihoda u 2021.godini

R.Br.	PRIHODI	2020.	2021		INDEX		STRUKTURA	
			PLAN	OSTVARENJE	4/2	4/3	2	4
0	1	2	3	4	5	6	7	8
1	PRIHODI OD NAPLATE PARKIRANJA	1.351.484	1.400.000	1.715.098	127	123	65	76
1.1.	Prihodi od naplate na aparatima	1.087.087	1.125.000	1.429.237	131	127	53	63
1.2.	Prihodi od deblokada vozila	67.984	70.000	65.987	97	94	3	3
1.3.	Prihodi od izdavanja pretplatničkih karti	196.413	205.000	219.874	112	107	9	10
2	PRIHODI OD ODRŽAVANJA HORIZONTALNE, VERTIKALNE I SEMAFORSKE SIGNALIZACIJE I JAVNE RASVJETE	713.859	600.000	544.685	76	91	33	23
2.1.	Prihodi od održavanja horizontalne, vertikalne i semaforne signalizacije za Grad Tuzla	211.261	130.000	140.253	66	108	9	6
2.2.	Prihodi od održavanja javne rasvjete i dekorisanja za Grad Tuzla	486.145	450.000	393.375	81	87	23	17
2.3.	Prihodi od održavanja horizontalne, vertikalne i semaforne signalizacije i javne rasvjete za treća lica	16.453	20.000	11.057	67	55	1	0
3	OSTALI PRIHODI	31.647	20.000	25.750	81	129	2	1
3.1.	Prihodi od turističkog vozića	0	0	0			0	0
3.2.	Ostali prihodi	31.647	20.000	25.750	81	129	2	1
UKUPNI PRIHODI		2.096.990	2.020.000	2.285.533	109	113	100	100


Upravljanjem javnim parkiralištima na kojima se vrši naplata parkiranja ostvareni su prihodi u iznosu od 1.715.098 KM što čini 76% ukupnih prihoda i za 27% su viši u odnosu na prihode iz 2020. godine, a za 23% viši u odnosu na planirane prihode.

Prihodi od održavanja horizontalne, vertikalne i semaforne signalizacije i javne rasvjete ostvareni su u iznosu od 544.685 KM, a odnose se na redovno održavanje ove signalizacije za Grad Tuzlu u iznosu od 533.628 KM dok se iznos od 11.057 KM odnosi na realizovane poslove za ostala fizička i pravna lica. Ovi prihodi čine 23% ukupnih prihoda, te su za 24% niži u odnosu na 2020.godinu, a za 9% niži u odnosu na planirane prihode.

Ostali prihodi u iznosu od 25.750 KM čine 1% ukupnih prihoda i niži su za 19% u odnosu na 2020.godinu, a za 29% viši u odnosu na planirane prihode. Ovi prihodi se odnose na ostale prihode koji se tiču prihoda od usluga reklame u iznosu 2.400 KM kojima Društvo promovira privredne subjekte na poledini parking karti iz parking automata, a kako bi doprinjeli potpunijem iskorištavanju raspoloživih kapaciteta i ostalih prihoda koji se pojavljuju povremeno kao što su: prihodi od naplate štete u iznosu 2.844 KM, prihodi od kamata na depozite 5.490 KM, prihodi od refundacije bolovanja i Zavoda za zapošljavanje u iznosu 9.793 KM, te ostali prihodi u iznosu 5.223 KM koji se odnosi na plaćene pa naknadno prefakturisane usluge električne energije.

Prihodi od usluga prevoza turističkim vozićem u 2021. godini nisu ni planirani, obzirom na mnoge poteškoće s kojima se Društvo susrelo prethodnih godina, a koje se prvenstveno odnose na nemogućnost saobraćanja turističkog vozića predviđenom rutom obzirom na mnoge rekonstrukcije ulica i ostalih površina kojima turistički vozić saobraća, kao i preporuke i naredbe kriznih štabova FBiH i TK, Zavoda za javno zdravstvo FBiH i TK, a sve u skladu sa propisanim mjerama i preporukama za rad javnog prevoza u kontekstu COVID-19. Inače, na osnovu prakse iz dosadašnjih godina došlo se do zaključka da je ostvarivanje ovih prihoda povezano sa vremenskim prilikama, što znači da se prihodi od vožnje turističkim vozićem u zadovoljavajućem iznosu ostvaruju samo u periodu juli – septembar, a u ovom periodu Društvo u 2021. godini ove aktivnosti nije moglo sprovesti.

Grafikon 3: Prosječni mjesečni prihodi u 2020. i 2021.godini



3.4.2 Ostvareni rashodi u 2021.godini

Ukupni rashodi u 2021.godini ostvareni su u iznosu od **1.943.078 KM** što je za 2% više u odnosu na 2020.godinu, a za 3% niže u odnosu na planirane.

Tabela 6: Ostvareni rashodi u 2021.godini

REDNI BROJ	EKON.KOD	RASHODI - TROŠKOVI POSLOVANJA	2020.	2021.		INDEKS		STRUKTURA		
				PLAN	OSTVARENJE	5/3	5/4	3	4	5
0	1	2	3	4	5	6	7	8	9	10
1	51	MATERIJALNI TROŠKOVI	395.433	350.300	302.086	76	86	21	18	16
2	52	TROŠKOVI PLAĆA I OSTALIH PRIMANJA ZAPOSLENIH I DR.FIZIČKIH LICA	1.232.326	1.350.000	1.344.213	109	100	63	67	68
3	53	TROŠKOVI PROIZVODNIH USLUGA	43.597	46.000	58.073	133	126	2	2	3
4	54	AMORTIZACIJA I TROŠKOVI REZERVISANJA	157.531	175.000	160.451	102	92	8	9	8
5	55	NEMATERIJALNI TROŠKOVI	80.074	74.000	76.400	95	103	5	4	5
6	56	FINANSIJSKI RASHODI	1.987	1.700	1.854	93	109	0	0	0
7	57	OSTALI RASHODI I GUBICI	446	0	1	0	0	0	0	0
8	591	RASHODI IZ OSNOVA PROMJENA RAČ.POLITIKA I ISPRAVKI GREŠAKA	0	0	0	0	0	1	0	0
9	595	POVEĆANJE/SMANJENJE ZALIHA UČINAKA	24	0	0	0	0	0	0	0
UKUPNO			1.911.418	1.997.000	1.943.078	102	97	100	100	100

Materijalni troškovi ostvareni su u iznosu od **302.086 KM** što je za 24% manje u odnosu na ostvarene materijalne troškove u 2020.godini, a za 14% manje u odnosu na plan.

Učešće u ovoj kategoriji troškova imaju:

- utrošene sirovine i materijal za održavanje horizontalne, vertikalne i semaforne signalizacije, javne rasvjete i čistoće javnih parkirališta u iznosu 248.229 KM,
- utrošena energija i gorivo u ukupnom iznosu 44.012 KM,
- utrošeni rezervni dijelovi za održavanje i popravak opreme u ukupnom iznosu 324 KM,
- otpis sitnog inventara, ambalaže, autoguma i HTZ opreme za uposlenike u iznosu 9.521 KM.

Troškovi plaća i ostalih primanja zaposlenih i drugih fizičkih lica ostvareni su u iznosu od **1.344.213 KM** što je za 9% više u odnosu na 2020.godinu, a na nivou plana za 2021. godinu.

Troškovi proizvodnih usluga ostvareni su u iznosu od **58.073 KM** što je za 33% više u odnosu na 2020.godinu, a za 26% više u odnosu na plan.

Učešće u ovoj kategoriji troškova imaju:

- grafičke usluge vezane za nabavku pretplatničkih karti, obavještenja i naloga za blokiranje u iznosu 1.823 KM,
- transportne usluge u iznosu 2.370 KM,
- usluge održavanja opreme, parkirališta, transportnih sredstava te servisne usluge u ukupnom iznosu od 39.031 KM,
- troškovi zakupa u ukupnom iznosu 2.880 KM,
- troškove reklame i sponzorstva u iznosu 11.969 KM.

Amortizacija za 2021.godinu obračunata je u iznosu od **160.451 KM**, što je za 2% više u odnosu na 2020.godinu, a za 8% niže u odnosu na plan.

Amortizacija nematerijalnih stalnih sredstava obračunava se linearnom metodom. Obračun amortizacije materijalnih stalnih sredstava u upotrebi se vrši primjenom vremenske linearne metode, po stopama određenim prema procijenjenom vijeku trajanja sredstva, a u skladu sa MRS 16, tačka 50 i koristeći amortizacione stope

određene Zakonom o porezu na dobit i Pravilnikom o primjeni Zakona o porezu na dobit, te Odluke Društva o visini i načinu obračuna amortizacije stalnih sredstava koja se priznaju u rashode u poreskom bilansu.

Stope amortizacije su:

- Nematerijalna stalna sredstva 10% i 20%
- Postrojenja i oprema (mašine) 15%
- Alat, pogonski i kancelarijski namještaj 15%
- Transportna sredstva 10% i 15%

Tabela 7: Obračunata amortizacija u 2021.godini

R.Br.	EK. KOD	OPIS	NABAVNA VRIJEDNOST	AMORTIZACIJA 2021.		STRUKTURA 5 (%)
				STOPA	IZNOS	
0	1	2	3	4	5	6
1.	01	NEMATERIJALNA STALNA SREDSTVA	192.124	10%,20%	16.898	11
2.	022	POSTROJENJA I OPREMA (MAŠINE)	699.389	15%	75.467	49
3.	023	ALAT, POGONSKI I KANCELARIJSKI NAMJEŠTAJ	90.714	15%	3.275	2
4.	024	TRANSPORTNA SREDSTVA	717.667	10%, 15%	58.951	38
UKUPNO			1.699.894		154.591	100

Stalna nematerijalna sredstva ukupne nabavne vrijednosti 192.124 KM odnose se na ulaganja u tuđe zemljište – parkirališta Gradina 1 i Gradina 2, programske module, antivirus, registraciju domene i operativne sisteme za računare, te postavljeni optički kabal. Obračunata amortizacija u 2021.godini iznosi 16.898 KM.

Za Postrojenja i opremu ukupne nabavne vrijednosti 699.389 KM obračunata je amortizacija u ukupnom iznosu 75.467 KM a sastoji se od:

- opreme za sektor održavanja ukupne nabavne vrijednosti 476 KM sa obračunatom amortizacijom 71 KM,
- elektronskih računara i štampača ukupne nabavne vrijednosti 48.298 KM za koje je procijenjeni vijek trajanja 3 godine, te je stopa amortizacije 33,3% za računare i 15% za štampače, a obračunata amortizacija u 2021.godini 6.313 KM,
- aparata za kopiranje nabavne vrijednosti 5.042 KM nabavljenih u 2009. u 2015. godini za koji je stopa amortizacije 15%, a obračunata amortizacija u 2021.godini 368 KM,
- uništivač papira nabavne vrijednosti 420 KM, stopa amortizacije 15%. Nabavljen je u decembru 2015. godine, te je amortizacija u 2021. godine 63 KM,
- pojačalo, zvučne kutije i konvektor za auto i eksterna memorija ukupne nabavne vrijednosti 1.093 KM nabavljeni su u 2013., 2015. i 2017.godini sa stopom amortizacije 15% i obračunata je amortizacija u ukupnom iznosu 75 KM,
- opreme za grijanje, ventilaciju, održavanje i klima uređaja ukupne nabavne vrijednosti 11.239 KM sa stopom amortizacije 15% i obračunatom amortizacijom u 2021. godine u iznosu 1.092 KM,
- opreme za tehničku zaštitu nabavne vrijednosti 3.444 KM nabavljene u 2012.godini sa stopom amortizacije 15%, potpuno je amortizovana,
- novogodišnjeg urbanog mobilijara nabavne vrijednosti 18.948 KM nabavljenog u 2016., 2018. i 2021. godini uz stopu amortizacije 15% i obračunatom amortizacijom u 2021. godini 1.943 KM,
- ručnog pištolja za farbanje nabavne vrijednosti 4.300 KM koji je nabavljen u oktobru 2020. godine; obračunata amortizacija u 2021. godini je 645 KM,
- opreme za wireless ukupne vrijednosti 47.857 KM, a obračunata amortizacija u 2021.godini je 0 KM, obzirom da je ova oprema potpuno amortizovana,
- opreme namijenjene centru za nadzor i upravljanje ukupne nabavne vrijednosti 75.098 KM sa stopom amortizacije 15%, te je amortizacija u 2021.godini obračunata u iznosu 2.648 KM,

- rampe na zatvorenim javnim parkiralištima Jezero Zapad i Prigradska stanica nabavne vrijednosti 7.518 sa stopom amortizacije 15% i obračunatom amortizacijom u 2021. godini 893 KM,
- sef za dokumente nabavne vrijednosti 616 KM koji je nabavljen 2011.godine sa stopom amortizacije 15%, potpuno je amortizovan,
- parking aparata ukupne nabavne vrijednosti 452.270 KM za koje je stopa amortizacije 15%, a obračunata amortizacija u 2021. godini je 58.219 KM,
- rasvjetne opreme nabavne vrijednosti 4.530 KM uz stopu amortizacije 15%, te je obračunata amortizacija u 2021.godini 679 KM,
- opreme za uvođenje fiskalizacije nabavne vrijednosti 13.953 KM uz stopu amortizacije 15%, te je obračunata amortizacija u 2021.godini 2.093 KM,
- aparata i baterija za aparate ukupne nabavne vrijednosti 2.202 KM sa stopom amortizacije 15% sa obračunatom amortizacijom za 2021. godinu 313 KM,
- pumpe za vodu nabavne vrijednosti 2.085 KM nabavljene 2021 godine sa stopom amortizacije 15%, obračunata amortizacija u 2021. godini je 52 KM.

Univerzalni i ostali alati i kancelarijski namještaj ukupne nabavne vrijednosti 90.714 KM nabavljeni u dosadašnjem poslovanju Društva imaju određenu stopu amortizacije 15%, te je amortizacija u 2021.godini obračunata u iznosu 3.275 KM.

Za Transportna sredstva ukupne nabavne vrijednosti 717.667 KM obračunata je amortizacija u 2021.godini u iznosu 58.951 KM, a odnosi se na: mašine za iscrtavanje horizontalne signalizacije ukupne nabavne vrijednosti 44.499 KM nabavljene u 2011.i 2016.godini i jedno putničko vozilo nabavne vrijednosti 40.900 KM koje je nabavljeno u 2011.godini, a drugo putničko vozilo nabavne vrijednosti 51.352 nabavljeno u avgustu 2020. godine, kamion sa duplom kabinom i natkrivenim tovarnim prostorom za potrebe održavanja horizontalne, vertikalne i semaforne signalizacije nabavljenim 2010.godine nabavne vrijednosti 14.950 KM, turistički vozić nabavne vrijednosti 49.940 KM nabavljen 2013., za motocikl i bicikle nabavne vrijednosti 3.186 KM, 2 teretna vozila za sektor parkiranja i održavanja nabavljena u 2015. i 2016. godini ukupne nabavne vrijednosti 9.799 KM, 2 Volkswagen UP-a ukupne nabavne vrijednosti 30.900 KM, dok je teretno vozilo nabavljeno u 2009.godini nabavne vrijednosti 20.255 KM već amortizovano, kao i univerzalno teretno vozilo za održavanje javnih parkirališta nabavne vrijednosti 24.000 KM nabavljeno u 2009.godini. Društvo još obračunava amortizaciju na autoprikolicu nabavljenu 2016. godine nabavne vrijednosti 5.470 KM i Mercedes Benz Atego sa autokorpom nabavljen 2017. godine nabavne vrijednosti 28.540 KM, teretno vozilo TAM 80 (radna mašina) nabavne vrijednosti 13.400 KM i autokorpu nabavne vrijednosti 120.000 KM. Amortizacija se obračunava i na transportna sredstva nabavljena u 2019 godini i to: 2 vozila caddy nabavne vrijednosti 48.500 KM, kamion MAN kipper kran nabavne vrijednosti 56.300 KM, hidromotor s reduktorom nabavne vrijednosti 5.980 KM i rabljena radna mašina nabavne vrijednosti 44.995 KM, kao i za transportna sredstva nabavljena u 2020. godini Crafter nabavne vrijednosti 54.701 KM i 2021. godini ford ranger nabavne vrijednosti 50.000 KM.

Pored navedenog, u 2020. godini iznos koji je knjižen na amortizaciju u iznosu 5.861 KM odnosi se na knjiženje najma u skladu sa MSFI-u 16 koji je u primjeni od 2019. godine, a koji propisuje da je Najmoprimalac u obavezi računovodstveno evidentirati „imovinu s pravom korištenja” i obavezu po osnovu najma, pa samim tim vršiti knjiženje po osnovu amortizacije. Ovaj iznos amortizacije se odnosi na zakup poslovnih prostora za administrativne kancelarije na adresama Turalibegova 1 (objekat Infopult) i II krajiške brigade bb – Kojšino.

Obračunata sredstva amortizacije koristit će se za nabavku stalnih sredstava u narednim periodima.

Nematerijalni troškovi ostvareni su u ukupnom iznosu **76.400 KM**, a odnose se na:

- troškove neproizvodnih usluga u iznosu 9.503 KM (u koje spadaju zdravstvene, obrazovne, računovodstveno-knjigovodstvene usluge, usluge odvoza smeća, ovjere finansijskih izvještaja, troškovi revizijskih usluga, bilježničke usluge),
- troškove reprezentacije u iznosu 1.351 KM,
- troškove premija osiguranja 17.561 KM,
- troškove platnog prometa u iznosu 3.360 KM,

- troškove poštanskih i telekomunikacijskih usluga u iznosu 19.847 KM (u ove usluge spadaju i troškovi wirelessa koji se građanima daje besplatno na korištenje, kao i troškovi prenosa podataka zelenog vala i komunikacije između parking aparata),
- troškove poreza, naknada i taksi koji obuhvataju poreze za zaštitu od nesreća, opću vodnu naknadu, naknadu za korištenje općekorisnih funkcija šuma u ukupnom iznosu 9.433 KM,
- troškove članskih doprinosa koje obuhvataju članarine privrednoj komori u iznosu 1.743 KM,
- ostale nematerijalne troškove koji obuhvataju troškove oglašavanja, pretplate na službena glasila i troškove stručne literature, te režijskih troškova zakupljenih prostorija u ukupnom iznosu 13.602 KM.

Nematerijalni troškovi u 2021. godini periodu su za 3% viši u odnosu na planirane nematerijalne troškove u 2020.godine, a za 5% niži u odnosu na ove troškove ostvarene u 2020. godini. U 2019. godini došlo je do promjene načina obračuna i knjiženja najma prostorija koje Društvo koristi za svoje administrativne prostorije. Naime, MSFI 16 *Najmovi*, propisuje principe priznavanja, mjerenja, prikazivanja i objavljivanja najмова. Novi Standard koji važi od 2019. godine uvodi značajne promjene u računovodstvenom evidentiranju najma u poslovnim knjigama najmoprimca. Do sada se operativni najam u poslovnim knjigama najmoprimca, prema MRS 17, evidentirao isključivo kao trošak najma i obaveza prema najmodavcu (knjiženje 533/432). Prema MSFI-u 16 Najmoprimac je u obavezi računovodstveno evidentirati „imovinu s pravom korištenja” i obavezu po osnovu najma. Prema paragrafu 26. MSFI-a 16, na prvi dan trajanja najma, najmoprimac obavezu po osnovu tog najma mjeri po sadašnjoj vrijednosti svih plaćanja u vezi s najmom koja nisu izvršena na taj dan. Ta plaćanja se diskontuju po kamatnoj stopi sadržanoj u najmu ako je stopu lako utvrditi. U slučajevima kad tu kamatnu stopu nije moguće lako utvrditi, najmoprimac primjenjuje inkrementalnu kamatnu stopu zaduženja.

Inkrementalna kamatna stopa je ona kamatna stopa koju bi najmoprimac morao platiti da u sličnom roku i uz slične garancije posudi sredstva neophodna za nabavku imovine slične vrijednosti kao imovine s pravom korištenja u sličnom ekonomskom okruženju.

Ova promjena načina obračuna i knjiženja najмова direktno se odražava na finansijske rashode u iznosu pomenutih kamata.

Finansijski rashodi ostvareni su u iznosu od **1.854 KM**, odnose se na rashode od kamata po osnovu zakupa objekata poslovnih prostora, tj. administrativnih kancelarija na adresama Turalibegova 1 (objekat Infopult) i II krajiške brigade bb – Kojšino.

Ostali rashodi ostvareni su u iznosu **1 KM** i odnose se na ostale nespecificirane rashode.

Ostali rashodi i gubici i rashodi zbog promjena računovodstvenih politika i ispravki grešaka nisu bili u 2021. godini jer nije bilo rashoda po osnovu rashodovanja stalnih sredstava niti ispravki grešaka iz prethodnih godina.

3.4.3 Poslovni rezultat

Društvo je u 2021.godini ostvarilo neto dobit u iznosu od **307.886 KM**, što je za 84% više u odnosu na 2020.godinu.

Tabela 8: Ostvarena dobit u 2021.godini

R.Br.	OPIS	2020.	2021.		INDEX	
			PLAN	OSTVARENJE	4/2	4/3
0	1	2	3	4	5	6
1	UKUPNI PRIHODI	2.096.990	2.020.000	2.285.533	109	113
2	UKUPNI RASHODI	1.911.418	1.997.000	1.943.078	102	97
3	DOBIT POSLOVNE GODINE	185.572	23.000	342.455	185	1489
4	NEPRIZNATI RASHODI	0	0	0	0	0
5	OPOREZIVA DOBIT PRIJE TRANSFERNIH CIJENA	185.572	23.000	342.455	185	1489
6	Razlika između tržišnih(viših) vr.stvarnih transakcija sa povezanim licima, za prihode	0	0	0	0	0
7	Neiskazani prihodi	0	0	0	0	0
8	OPOREZIVA DOBIT POSLIJE TRANSFERNIH CIJENA	185.572	23.000	342.455	185	1489
9	POREZ NA DOBIT	18.671	2.300	34.569	185	1503
10	NETO DOBIT	166.901	20.700	307.886	184	1487

Kada je u pitanju poslovni rezultat Društva ostvaren u 2021. godini, bitno je istaći da je isti rezultat maksimalnog zalaganja uprave Društva, zajedno sa svim uposlenim, koja su konstantno bila usmjerena na što efikasniju racionalizaciju poslovanja, kroz, s jedne strane smanjenje rashoda, pri tome ne dovodeći u pitanje kvalitet pružene usluge, i s druge strane povećanje prihoda putem racionalnijeg iskorištenja raspoloživih resursa.

Analizirajući poslovanje JKP "Saobraćaj i komunikacije-Tuzla" doo Tuzla, evidentno je da je Društvo u toku 2021. godine pružalo usluge održavanja horizontalne i vertikalne signalizacije povezanom licu – Grad Tuzla, te je bilo potrebno, u skladu sa Pravilnikom o transfernim cijenama i Zakonom o porezu na dobit, analizirati transferne cijene. Transferne cijene predstavljaju cijene kojima se vrednuju transakcije u finansijskim izvještajima između povezanih lica, na način koji nije dosljedan primjeni principa van dohvata ruke. Vrijednost transakcija između povezanih lica ne bi trebala odstupati od tržišne vrijednosti koja se odražava kroz transakcije između nezavisnih lica. Ukoliko odstupa od tržišne vrijednosti u pitanju je transferna cijena.

Nakon detaljne analize i izrade Izvještaja o transfernim cijenama zaključeno je da su cijene predmetnih transakcija bile u skladu sa cijenama po principu van dohvata ruke, te je utvrđeno da nije potrebno izvršiti nikakve korekcije u skladu sa izabranom metodom, metodom uporedivih nekontrolisanih cijena na osnovu člana 9. i člana 10. Pravilnika o transfernim cijenama („Sl. Novine FBiH“, broj 67/16). Metoda uporedivih nekontrolisanih cijena je bila prikladna obzirom da su analizirane transakcije održavanja horizontalne, vertikalne i semaforne signalizacije sa ovim vrstama transakcija sa nepovezanim licima.

Na osnovu predmetnih transakcija, zahtjeva Zakona o porezu na dobit i Pravilnika o transfernim cijenama FBiH utvrđeno je da ne postoji osnova za povećanje porezne osnovice po osnovu transakcija sa povezanim licem čime nije stvorena nikakva dodatna obaveza poreza na dobit u poreznom bilansu JKP „Saobraćaj i komunikacije-Tuzla“ doo Tuzla za 2021. godinu.

Iznosi iz tabele 8. rbr.4., 5., 6., 7. i 8. relevantni su samo zbog izračuna poreza na dobit, odnosno predstavljaju iznose koji se, u skladu sa Zakonom o porezu na dobit, koriste za izračun ukupnog poreza na dobit obzirom da se te stavke smatraju porezno nepriznatim rashodima. Neto dobit Društva predstavlja razlika dobiti poslovne godine i iznosa poreza na dobit.

Ono što je bitno napomenuti jeste da je, i pored negativnih posljedica koje je ostavila pandemija COVID-19, racionalizacija poslovanja Društva u 2021. godini imala, osiguranje dodatnih finansijskih sredstava u vidu dobiti 2021. godine, za koja se planira da u toku 2022. godine budu iskorištena u vidu investicionih ulaganja u kapitalne

projekte u kojima se Društvo planira pojaviti u ulozi investitora, a koji su predviđeni Planom poslovanja i Planom nabavki za 2022. godinu.

Naime, jedan od planova Društva jeste nastavak faznog rješavanja pitanja osiguranja adekvatnih parkirališnih kapaciteta u neposrednoj blizini objekta Bolničkog kompleksa Gradina.

Društvo je u toku 2014. i 2015. godine pokrenulo i okončalo niz aktivnosti koje za cilj imaju osiguranje uslova za implementaciju predmetnih projekata, što se između ostalog odnosi na izradu dva parkirališta uz Bolnički kompleks Gradina i to: Parkiralište Gradina 1 – lijeva saobraćajnica na dionici od izlaza kod dječije klinike do izlaza kod interne klinike i Parkiralište Gradina 2 – preko puta Plave bolnice. Obzirom da izgradnjom ova dva parkirališta nisu zadovoljene potrebe za slobodnim parking prostorom na lokalitetu oko bolničkog kompleksa Gradina, Društvo je preduzelo niz aktivnosti na prikupljanju informacija o mogućnosti rješavanja ovog problema.

Raspodjela dobiti, prikazana u narednoj tabeli, na prijedlog Uprave Društva, a na osnovu pozitivnih mišljenja Nadzornog odbora i Odbora za reviziju Društva, bit će data Skupštini Društva na usvajanje.

Tabela 9: Raspodjela dobiti

R.Br.	PRIHODI	2020.GODINA	2021.GODINA	STRUKTURA		INDEX
				2	3	3/2*100
0	1	2	3	4	5	6
1	IZDVAJANJE U ZAKONSKE REZERVE	8.345	6.158	5,00	2,00	74
2	IZDVOJENO PO GODISNJEM OBRACUNU (DONACIJE I DRUGA DAVANJA)	8.345	26.170	5,00	8,50	314
3	AKUMULIRANA DOBIT	150.211	275.558	90,00	89,50	183
	UKUPNO	166.901	307.886	100	100	184

3.4.4 Investiciona ulaganja u 2021.godini

Radi obezbijedenja nesmetanog obavljanja redovnih aktivnosti izvršena su investiciona ulaganja u iznosu od 110.784 KM.

Investiciona ulaganja su izvršena iz sopstvenih sredstava, odnosno ostvarene dobiti iz prethodnih perioda. Ovim nabavkama Društvo osigurava lakše odvijanje preuzetih aktivnosti i osigurava ostvarivanje budućih prihoda.

U narednoj tabeli dat je prikaz investicionih ulaganja u toku 2021. godini.

Tabela 10: Pregled investicionih ulaganja u periodu 2019. – 2021. godina

REDNI BROJ	EKONOMSKI KOD	INVESTICIONA ULAGANJA	2019	2020	2021	STRUKTURA
0	1	2	3	4	5	6
1	01	STALNA NEMATERIJALNA SREDSTVA	0	0	2.387	2
2	02	NEKRETNINE POSTROJENJA I OPREMA	171.074	113.491	108.397	98
2.1.	022	POSTROJENJA I OPREMA (MAŠINE)	14.135	5.567	36.894	34
2.1.1.	022 100 00	Elektronski računari - PC	14.135	902	4.050	4
2.1.2.	022 120 00	Elektronski štampači	0	365		0
2.1.3.	022 200 00	Oprema za grijanje, ventilaciju i klima uređaji	0	0		0
2.1.4.	022 700 01	Novogodišnji urbani mobilijar	0	0	32.844	30
2.1.5.	022 780 00	Oprema za fiskalizaciju	0	0	0	0
2.1.6.	022 700 00	Ručni pištolj za farbanje	0	4.300	0	0
2.2.	023	ALAT, POGONSKI I KANCELARIJSKI NAMJEŠTAJ	1.164	1.871	21.503	19
2.2.1.	023 100 00	Univerzalni i ostali alati	950	1.871	14.656	13
2.2.2.	023 500 00	Kancelarijski namještaj	214	0	6.847	6
2.3.	024	TRANSPORTNA SREDSTVA	155.775	106.053	50.000	45
2.3.1.	024 026 00	Teretni automobil	0	0	0	0
2.3.2.	024 011 00	Caddy 4 bijeli 2018 godište	24.250	0	0	0
2.3.3.	024 012 00	Caddy 4 bijeli 2019 godište	24.250	0	0	0
2.3.4.	024 028 00	Kamion MAN kiper kran	56.300	0	0	0
2.3.5.	024 039 01	Crafter 2	0	54.701	0	0
2.3.6.	024 039 02	Insignia	0	51.352	0	0
2.3.7.	024 090 00	Teretno vozilo TAM 80 T58	0	0	0	0
2.3.8.	024 040 00	Hidromotor s reduktorom	5.980	0	0	0
2.3.9.	024 730 00	Rabljena radna mašina	44.995	0	0	0
2.3.10.	024 740 00	Ford	0	0	50.000	45
UKUPNO			171.074	113.491	110.784	100

3.5 Potraživanja od kupaca i obaveze prema dobavljačima

3.5.1 Potraživanja od kupaca

Potraživanja od kupaca u 2021. godini fakturisana su u iznosu od 2.886.354 KM, dok su naplaćena u iznosu od 2.761.828 KM, te stopa naplate iznosi 95,69%. Nenaplaćena potraživanja od kupaca u iznosu od 124.526 KM predstavljaju fakture izdate na kraju 2021. godine za koje se očekuje da će biti naplaćene u 2022. godini. Najveći udio nenaplaćenih potraživanja odnosi se na usluge fakturisane u decembru po osnovu horizontalne, vertikalne i semaforke signalizacije i održavanja javne rasvjete za Grad Tuzla, te po osnovu usluga reklamiranja i parkiranja.

Tabela 11: Potraživanja od kupaca

R.Br.	OPIS	STANJE NA DAN 31.12.2020.GODINE		STOPA NAPLATE 2020. (%)	STANJE NA DAN 31.12.2021.GODINE		STOPA NAPLATE 2021.(%)
		FAKTURISANA VRIJEDNOST	NAPLAĆENA VRIJEDNOST		FAKTURISANA VRIJEDNOST	NAPLAĆENA VRIJEDNOST	
0	1	2	3	4	5	6	7
1	POTRAŽIVANJA OD KUPACA	2.601.517	2.380.269	91,50	2.886.354	2.761.828	95,69
2	NENAPLAĆENA POTRAŽIVANJA OD KUPACA		221.248			124.526	

3.5.2 Obaveze prema dobavljačima

Tabela 12: Obaveze prema dobavljačima

R.Br.	OPIS	STANJE NA DAN 31.12.2020.GODINE		STRUKTURA 2020. (%)	STANJE NA DAN 31.12.2021.GODINE		STRUKTURA 2021.(%)
		FAKTURISANE OBAVEZE	IZMIRENE OBAVEZE		FAKTURISANE OBAVEZE	IZMIRENE OBAVEZE	
0	1	2	3	4	5	6	7
1	OBAVEZE DRUŠTVA	758.819	745.756	98,28	708.706	692.751	97,75
2	NEIZMIRENE OBAVEZE DRUŠTVA		13.063	1,72		15.955	2,25

Društvo je na dan 31.12.2021. godine imalo 15.955 KM neizmirenih obaveza prema dobavljačima koje se odnose na primljene fakture u decembru 2021.godine, a koje su izmirene u 2022.godini, od kojih su najznačajnije obaveze po fakturama Sarajevo-osiguranje dd 3.964 KM, Grad Tuzla 1.958 KM, Off-set doo 966 KM.

3.6 Realizacija planiranih i definisanje budućih ciljeva i mjera u pravcu unapređenja poslovanja

Društvo je u 2021.godini, pored svih negativnih posljedica koje je pandemija COVID-19 ostavila na cjelokupnu privredu, sprovelo veliki broj ciljeva i mjera unapređenja poslovanja koji su postavljeni u 2020.godini, a ogledaju se u slijedećem:

- Iscrtavanje horizontalne signalizacije, osim na području Grada Tuzla i za račun Grada Tuzla, urađeno je za treća lica i na taj način ostvareni su dodatni prihodi Društva u iznosu 11.057 KM,
- Ostvareni su dodatni prihodi u iznosu od 2.400 KM od promocije privrednih subjekata na poledini parking karti.
- Racionalnim poslovanjem i uštedama ostvarena neto dobit u iznosu 307.886 KM, a upotrijebit će se za finansiranje budućih aktivnosti Društva,
- Preko web stranice Društva poboljšana je komunikacija sa građanima, kako u cilju informisanosti o projektima i aktivnostima koje Društvo realizuje tako i o potrebama i problemima sugrađana,
- Uspješna realizacija svih aktivnosti koje su stavljene pred Društvo, a tiču se održavanja horizontalne, vertikalne i semaforne signalizacije, održavanja javne rasvjete i dekorisanja, upravljanja bežičnim internetom, upravljanje video nadzorom i automatskim upravljanjem saobraćajem (zeleni val),
- Dodatno su unaprijeđeni odnosi i dogovorene aktivnosti sa svim institucijama koje mogu uticati na povećanje nivoa saobraćajne kulture, čija će se implementacija nastaviti sprovođiti i u 2022.godini.

U 2022.godini Društvo za ciljeve i mjere u pravcu unapređenja poslovanja ima:

- Povećati bezbjednost učesnika u saobraćaju i unaprijediti saobraćajnu kulturu kroz:
 - edukaciju svih učesnika u saobraćaju,
 - postavljanje novih vidova vertikalne signalizacije (višenamjenski svijetleći displeji sa radarom za upozorenje na prekoračenje brzine)
 - zajedničkim projektima sa svim relevantnim institucijama,
 - održavanja visokog nivoa saradnje sa PU Tuzla i Službom za inspeksijske poslove Grada Tuzla po pitanju sankcionisanja nepropisno parkiranih vozila, te ostalih učesnika u saobraćaju koji se ne pridržavaju zakonskih odredbi,
 - zaštitu trotoara i zelenih površina fizičkim ograđivanjem u cilju omogućavanja neometanog kretanja pješaka,
 - provođenje aktivnosti na izmjeni Odluke o javnim parkiralištima u smislu ukidanja blokiranja vozila i uvođenja prekršajnih naloga,
 - ostale mjere i radnje u interesu ostvarivanja veće bezbjednosti i sigurnosti svih učesnika u saobraćaju.
- Povećati prihode Društva kroz:
 - efikasniju naplatu parkiranja na postojećim javnim parkiralištima,
 - uvođenje novih javnih parkirališta,
 - ostvarivanje dodatnih prihoda na osnovu proboja na tržište sa radovima na iscrtaivanju horizontalne signalizacije na čitavom području Bosne i Hercegovine,
 - pružanje usluge prevoza turističkim vozilima,
 - daljim racionalnim ekonomskim poslovanjem ostvariti još bolje poslovne rezultate kako bi se obezbijedilo finansiranje budućih projekata i aktivnosti Društva;
- Društveno odgovorni rad putem:
 - ispitivanja javnog mnijenja i konstantne komunikacije sa građanima,
 - nastavka saradnje sa mjesnim zajednicama u cilju rješavanja problema sugrađana (zahtjev predstavnika mjesne zajednice Slatina i dijela mjesne zajednice Sjenjak),
 - isticanja i redovnog obavještanja građana o projektima i aktivnostima koje Društvo realizuje,
 - konstantnog podizanja kvaliteta usluga Društva,
- Konstantnu edukaciju i stručno usavršavanje uposlenika Društva,
- Razvoj biciklizma kao alternativnog prevoznog sredstva, a sve u cilju zaštite i očuvanja okoliša od zagađenja uzrokovano motornim prijevoznim sredstvima.
- Uključiti se u projekte za dobijanje bespovratnih sredstava te na taj način doprinijeti razvoju lokalne uprave i stvaranju uslova za ljepši i udobniji život,
- Pronalaženje drugih bespovratnih sredstava Europske unije s ciljem realizacije projekata "Tuzla – pametni grad",
- Posebnu pažnju Društvo će obratiti da sve aktivnosti koje realizuje budu usmjerene na smanjenje zagađenosti zraka i poboljšanje ekoloških uslova života građana,
- U toku 2022. godine sprovesti kompletan postupak neophodan za početak naplate usluge parkiranja mobilnim plaćanjem (SMS), kao i izmjenju oblika sankcionisanja prekršitelja Odluke o javnim parkiralištima, na način da se prekršiteljima ne blokiraju vozila nego da kontrolori izdaju prekršajni nalog.

Ostvarenu dobit Društvo će iskoristiti za kapitalna ulaganja kojima će unaprijediti poslovanje, ostvariti veće prihode, doprinijeti efikasnijem i kvalitetnijem izvršavanju usluga za koje je osnovano.

3.7 Društvena odgovornost

JKP "Saobraćaj i komunikacije – Tuzla" d.o.o. veliku pažnju posvećuje pješacima pa su stoga ostvareni mnogobrojni projekti koji će pomoći stvaranju sigurnijeg okruženja za pješake. Jedan od takvih projekata je i organizovanje edukativnih sadržaja, čiji je cilj unapređenje opšte saobraćajne kulture mladih i stvaranje što povoljnijih uslova za poboljšanje bezbjednosti djece.

Potvrda ovome je i društveno odgovoran rad koji se ogleda kroz:

- postavljanje fizičkih prepreka u vidu stubića i betonskih polulopti i uređenje i zaštita pješačkih zona sa ciljem povećanja bezbjednosti pješaka i omogućavanja bezbjedne igre djece.

4 ZAKLJUČNE NAPOMENE

Svakodnevno upravljanje i održavanje javnih parkirališta i nesmetano pružanje usluga parkiranja motornih vozila na 45 javnih parkirališta na kojima se vrši naplata parkiranja, upravljanje i održavanje saobraćajne signalizacije, odnosno horizontalne, vertikalne i semaforske signalizacije na području grada Tuzla, održavanje javne rasvjete i dekorisanje grada, pružanje usluga besplatnog bežičnog interneta u užem centru grada, automatsko upravljanje saobraćajem, konstantno upravljanje i održavanje sistema video nadzora karakteristike su poslovanja u 2021. godini, a ostvareni rezultati, prihod u iznosu 2.285.533 KM i neto dobit u iznosu 307.886 KM, potvrda su odgovorosti i istrajnosti uprave Društva u ispunjenju planiranih ciljeva i pozitivnog poslovanja Društva.

U vezi sa prethodno navedenim, bitno je napomenuti da je Uprava Društva u toku 2021. godine u svim aktivnostima koje su u konačnom dovele do pozitivnog poslovnog rezultata, u potpunosti imala podršku Nadzornog odbora i Odbora za reviziju Društva.

Nadzorni odbor Društva dao je podršku kroz konstantne konsultacije i aktivno nadziranje rada Uprave i Društva, što potvrđuje rad Nadzornog odbora Društva tokom 2021. godine, kroz 14 održanih sjednica, na kojima je raspravljano o 76 tačaka dnevnog reda. U toku 2021. godine Nadzorni odbor razmatrao je i usvojio razne odluke, Odluku o usvajanju i utvrđivanju Pravilnika, Prijedloga, Izvještaja, Nacrta, obračuna, elaborata i sl. Nadzorni odbor Društva dao je pozitivno mišljenje na Izvještaj o poslovanju Društva za 2021. godinu i slaže se sa predloženim mjerama Uprave Društva.

Odbor za reviziju Društva je u 2021. godini održao 11 sjednica na kojima je raspravljano o nadležnostima Odbora za reviziju koja se tiču izbora Vanjskog revizora Društva, Planu rada Odbora za reviziju za 2022. godinu i Izvještaju Odbora za reviziju za 2020, kontrole blagajne, PDV prijava, postupaka javnih nabavki, Pravilnika o blagajničkom poslovanju i sl.

Posebno treba naglasiti podršku koju je Društvu dao Grad Tuzla, Služba za komunalne poslove, izgradnju i poslove mjesnih zajednica, Služba za inspeksijske poslove, Služba za ekonomski razvoj, poduzetništvo i poljoprivredu kao i Ministarstvo unutarnjih poslova Tuzlanskog kantona.

Broj: 05-13-274/22

Datum: 13.04.2022.godine



VD DIREKTOR-a

Nedžad Malikić, inženjer saobraćaja

Malikić N.